

齒

齒痛 清胃散

治胃火牙痛或連頭面

升麻 五分

生地黄

牡丹皮

黃連 炒

當歸 各三分

右水煎服如柴胡山梔即加味清胃散 愚按前

方治脾胃實火作渴口舌生瘡或唇口腫痛齒齦

潰爛焮連頭面或惡寒發熱或重舌馬牙吐舌流

涎等證子母並宜服之若因脾胃氣虛寒涼剋伐

或虛熱上行口舌生瘡弄舌發熱飲食少思或嘔

吐困睡大便不實流涎齕爛者用五味異功散

張渙藁本散 治卒齒痛

藁本

白附子

川芎

莽草

各半兩並擣羅爲細末次用

青黛

蘆會

麝香

各一糸研細

右件都再研勻每用一字塗揩患處

雄黃丸 治小兒牙齒黑蛀氣息疼痛

雄黃

二糸

麝香

半糸

右爲細末軟飯和爲挺子安在牙內

齒縫出血

外臺肘後用蚯蚓糞水和作團以火燒令

極赤末之如粉以臘月豬脂和傅齒斷上日三卽差

茅先生治小兒牙宣齒縫出血方

苦參

末一兩

白礬

灰一升

右爲末一日三次揩牙上立驗也

張銳雞峰方

治齒間血出

右以苦竹葉不以多少水濃煎取汁入鹽少許寒溫得所含之冷卽吐了

又方 右用童子小便半升分爲三兩次含之冷卽

吐了

莊氏麝香散 治小兒唇口臭爛齒斷宜露

麝香

雄黃生

蘆薈

白龍骨

各一糸

蜜陀僧

二糸

石膽

半兩生

乾蟾

一枚重半兩老餅燒存性入

右合研令極勻細先用綿子纏飭頭上以鹽礬漿水輕輕洗過然後上藥

齒齕腫痛千金翼方

生地黃

獨活

各三兩

右二味切以酒漬一宿含之

又方 常以白鹽末封齒斷上日三夜二

又方 扣齒三百下日一夜二卽終身不發至老不
病齒

又治齒牙根搖欲落方

右以生地黃大者一寸綿裹着牙上嚼嚥汁盡
去之日三卽愈可十日含之更不發也

又齒根腫方

松葉壹握

鹽一合

好酒三升

右三味煎取一升含之

治齒根空腫痛困斃無聊賴方

獨活肆兩

酒叁升

右二味於器中漬之煨火煨之令暖稍稍沸得半
去滓熱含之不過四五度

又方 燒松柏槐枝令熟桂病齒孔須更蟲緣枝出
又治牙斷疼痛方

杏仁

一百枚去皮尖及雙仁者

搥末

方寸匕

右二味以水一升煮令沫出含之味盡吐却更含
不過再三差

養生必用治小兒牙方

牛勞子

炒香一分

乳香

壹錢

右爲末入白麵少許溫水調塗

方 用大鵬砂研細水化雞羽掃

巢氏云手陽明足太陽之脉並入於齒風氣入

其經脉與血氣相搏齒即腫痛膿汁出謂之風齲

千金翼治齒齲方

右切白馬懸蹄可孔塞之不過三度聖惠方用夜眼

聖惠蝦蟆散 治小兒齒痛風齲連頤微腫

乾蝦蟆壹枚 青黛細研

柑子皮

細辛 白雞糞 薑黃已上各一

麝香細研 乾薑炮裂剉各半分

石件藥擣細羅為散都研令勻以薄綿裹少許內

齒

外科

三

善房堂

齲齒孔中日一易之

方

白附子

藁本

細辛

芫荽

莽草

已上各一兩

右件藥搗細羅為散以薄繻裹少許着齲齒上

治小兒齲齒風疼及蟲蝕疼痛方

乾蝦蟇

燒灰一枚

青黛

壹分

蘆薈

半分

右件藥同研令細以生地黄熬作膏塗於齒上

治小兒風齲齒痛及蟲蝕疼痛黑爛方

青黛

細研

雞蜚白

燒灰

藁本

細辛

雄黃

細研各一分

麝香

少許細研

右件藥擣羅令細同研令勻旋取少許傅於齒上

又方 以郁李根白皮五兩剉以水一大盞半煎取

一盞熱含冷吐之當吐蟲出

又方 以皂莢炙去皮子擣末取少許著齒痛上差

又方 以松栢脂捏銳如錐柱齒孔內須臾齩蟲緣

松脂出即差

又方 以雞舌香半兩以水一中盞煎至六分去滓

熱含冷吐

千金翼治蟲蝕齒疼痛方

右閉氣細書曰南方赤頭蟲飛來入某姓名裂齒裏今得蝎蟲孔安置耐居上急急如律令小牋紙內着屋柱北邊蝎蟲孔中取水一杯禹步如禁法還誦上文以水沃孔以淨黃土泥之勿令泄氣永愈

又治蟲蝕齒根肉黑方

右燒腐棘取諸塗之十遍雄黃末傅卽愈若齒黑者以松木灰揩之細末雄黃塗斷百日日再塗之七日慎油猪肉神効

又治齒蚰方

右以檐一枚令病人噙坐橫檐於膝上引兩手尋使極住手伸中指灸中指頭檐上三壯兩頭一時下火病人口誦呪曰噉牙蟲名字鵲莫敢牙莫噉骨灸人亦念之

又治裂齒方

右以腐棘針二百枚以水二升煮取一升含漱之日四五差止

又方 取死曲蟾末傅痛處卽止

日華子治小兒風虫牙方

右濃煎郁李仁水含之

齒

卷九

二

三

聚寶黃龍散

治齒齬疳蝕有竅子不合者

龍實

龍骨中有之深黃或淡黃土蝸色緊掬人舌者是

白礬灰

蝸牛殼

南粉

牛黃

各一錢

右五味為末每用少許貼竅子內時時用之

齒落久不坐千金方

右以牛尿中大豆二七枚小開豆頭以注齒根處

數度即生

經驗方 治小兒大人多年牙齒不

右用黑豆三十粒牛糞火內燒令煙盡細研入麝香少許一處研勻先以針挑不生齒處令血出用

末少許搗不得兒風忌酸鹹物

聖惠治齒落久不生方

右取路傍遺却稻粒於齒落處點三七下其齒

生神効

靈苑治大人小兒生齒神驗方

右用雄雌雞糞各十四顆焙乾同研如粉入麝香
少許仍先以針挑破損齒脚下血出將散子傳之
年高者不過二十日生年少者十日不計傷損及
少自退落並再生

煇治失欠頰車蹉閃不合方

右用一人以手指牽其頤以漸推之則復入矣
當疾出指恐誤嚙傷人指也

又方 消蠟和水傳之

又方治牙車急口眼根引舌不轉方

牡蠣 熬

伏龍肝

附子 炮去皮

礬石 燒

右四味等分末之以白酒和為泥傳其上乾則易之取差止

千金灸法失欠頰車蹉灸背第五椎一日二七壯
三日未差灸氣衝二百里胃前侯下甲骨中是也

名氣堂

又灸足內踝上三寸宛宛中或三寸五分百壯三報
此三陰交穴也

卷之八

七